



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-290-4/25**

Datum: **16.07.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica „Izazov“ d.o.o. Kalesija za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta, a koje mogu nastati na lokaciji pogona za primarnu obradu drveta izgrađenog u Gornjoj Kalesiji, općina Kalesija na osnovu člana 109. stav (2) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi:**

R J E Š E N J E **o vodnoj dozvoli**

1. Pravnom licu „Izazov“ d.o.o. Kalesija daje se vodna dozvola za moguće specifične uticaje koji mogu privremeno ili trajno degradirati kvalitet voda ili ometati poboljšanje njihovog postojećeg kvaliteta, a koji mogu nastati na lokaciji pogona za primarnu obradu drveta izgrađenog u Gornjoj Kalesiji, na zemljištu označenom kao k.č. broj 1288/10 i 1288/11 K.O. Prnjavor, općina Kalesija.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom projektnom dokumentacijom koja je služila kao podloga za davanje ove vodne dozvole.
 - 3.2. Korisnik objekta je dužan putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH» broj: 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20, 1/24).
 - 3.3. Korisnik poslovnog objekta je obavezan da izgrađene objekte (šahlove, slivnike sa rešetkama, obodni kanal), a čija je svrha odvođenje kondenzata iz sušare i oborinskih voda sa krovova objekata, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog pogona obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.

7. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.

9. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. i 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta

Obrazloženje

Pravno lice „Izazov“ d.o.o. Kalesija obratilo se ovoj Agenciji sa zahtjevom za donošenje Rješenja o vodnoj dozvoli za moguće specifične uticaje koji mogu privremeno ili trajno degradirati kvalitet voda ili ometati poboljšanje njihovog postojećeg kvaliteta, a koji mogu nastati na lokaciji pogona za primarnu obradu drveta izgrađenog u Gornjoj Kalesiji, na zemljištu označenom kao k.č. broj 1288/10 i 1288/11 K.O. Prnjavor, općina Kalesija.

Uz zahtjev dostavljena je i pregledana slijedeća dokumentacija:

A. Opća dokumentacija

- Rješenje o izmjenama podataka, broj:032-0-Reg-24-001440 od 21.11.2024. godine izdato od strane Općinskog suda u Tuzli – ovjerena kopija,

- Uvjerenje o poreznoj registraciji od 23.05.2013. godine izdato od strane Kantonalnog poreznog ureda Tuzla - ovjerena kopija,

- Ovlaštenje, broj:52/55 izdato uposleniku Izazov d.o.o. Kalesija.

- Odobrenje za građenje, broj:12-04/1-19-041255/23 od 08.02.2024. godine izdato od strane Ministarstva prostornog uređenja i zaštite okolice Tuzlanskog kantona – kopija,

- Rješenje o odobrenju za upotrebu, broj:12-04/1-19-016396/24 od 06.09.2024. godine izdato od strane Ministarstva prostornog uređenja i zaštite okolice Tuzlanskog kantona – kopija,

- Zaključak, broj:04/1-11-21-10984/23 od 15.06.2023. godine izdat od strane Ministarstva poljoprivrede, šumarstva i vodoprivrede Tuzlanskog kantona – kopija,

- Rješenje, broj:04/1-21-14-033573-9/24 od 09.04.2025. godine izdato od strane Ministarstva poljoprivrede, šumarstva i vodoprivrede Tuzlanskog kantona – kopija,

- Dokaz o uplaćenju federalnoj upravnoj pristojbi na zahtjev

B-Tehnička dokumentacija:

- Projekat izvedenog stanja vodovodne i kanalizacione mreže poslovnog objekta, investitora Izazov Kalesija, urađen od strane „Team Hidro“ d.o.o. Sarajevo, februar 2025. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na lokaciji pogona za primarnu obradu drveta izgrađenog u Gornjoj Kalesiji, na zemljištu označenom kao k.č. broj 1288/10 i 1288/11 K.O. Prnjavor, općina Kalesija, i tom prilikom sačinjen Zapisnik o izvršenom uviđaju broj:UP-1/21-3-40-290-2/25 od 15.07.2025. godine.

Na osnovu dostavljene dokumentacije, izvršenog uviđaja na licu mjesta utvrđeno je slijedeće:

➤ Na lokaciju se po potrebi i u direktnoj ovisnosti od zahtjeva tržišta dostavljati trupci tj. dinamika dostavljanja trupaca na lokaciju zavisi od potreba proizvodnje u fabrikama koje se bave finalnom obradom drveta, a koje nisu predmet ovog projekta.

Trupci se dovoze na lager odakle se odvoze na brentu za rezanje. Na brenti se vrši prerezivanje istih na daske, tavalone (fosne) ili grede. Okorci i dijelovi od kraččenja se transportuju do drobilice u kojoj se usitnjavaju. Usitnjena drvena građa se skladišti u silosu.

Daske, tavalone (fosne) i grede koje su okrajčene su spremne za sušenje u sušarama. Prorezane daske se šalju na prirodno prosušivanje nakon kojeg se šalju na vještačko prosušivanje sa kojim se veoma precizno može dovesti do željene vlažnosti.

Kondenzacione sušare za drvo pripadaju novijim tehnologijama sušenja drveta, kod kojih se kondenzacijom izdvaja vlaga iz drveta. Sušara je automatska. Najvažniji dio kondenzacione sušare je toplotna pumpa kroz koju cirkuliše vazduh unutar sušare. Vazduh apsorbuje vlagu iz drveta, a prolaskom kroz toplotnu pumpu vrši se kondenzovanje te vlage i dogrijavanje vazduha. Voda iz drveta se na ovaj način izvlači bez razmjene sa spoljnim vazduhom.

Nakon sušenja daske, tavalone (fosne) ili grede se transportuju do kupaca.

➤ Na lokaciji objekta obzirom na njegovu namjenu, produkuje se isključivo otpad od drvnih sortimenata nastao od krajćenja daske ili kao okorak. Isti se melje u drobilici i koristi kao sirovina za peć za zagrijavanje.

➤ Na predmetnom lokalitetu ne vrši se tehnološki postupak obrade drveta, lakiranje, farbanje i sl.

➤ Na predmetnom lokalitetu se ne vrši skladištenje nafte i naftnih derivata, popravka i servisiranje mehanizacije.

➤ U tehnološkom postupku sječenja i sušenja drveta ne koristi se voda.

➤ Pristupni put i prostor ispred i oko sušare i brente je uređen i izvršeno je vanjsko uređenje, uključujući pristupni put, manipulativni prostor te skladišni prostor. Na terenu egzistiraju dva šahta koji služe za prikupljanje mogućih atmosferskih voda, situirani na najnižoj koti radno-manipulativnog platoa.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Izazov” d.o.o. Kalesija ispunio minimum uslova za izdavanje vodne dozvole za moguće specifične uticaje koji mogu privremeno ili trajno degradirati kvalitet voda ili ometati poboljšanje njihovog postojećeg kvaliteta, a koji mogu nastati na lokaciji pogona za primarnu obradu drveta izgrađenog u Gornjoj Kalesiji, na zemljištu označenom kao k.č. broj 1288/10 i 1288/11 K.O. Prnjavor, općina Kalesija, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH”, broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Selma Merdan, dipl.inž.geol.

Prilog: Projekat izvedenog stanja vodovodne i kanalizacione mreže poslovnog objekta, investitora Izazov d.o.o.Kalesija, februar 2025. urađen od strane „Team Hidro” d.o.o. Sarajevo

29 Po ovlaštenju
Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- „Izazov” d.o.o., Industrijska zona b.b., 75260 Kalesija, (sa prilogom),
- AVP Sava, ISV-vodna knjiga,
- Sektor 50-ovdje
- Sektor 40 – arhiva
- Oglasna tabla AVP Sava-Sarajevo